



www.BibleForChildren.org



यूहन्ना 14



“तुहाडा मन दुखी ना हो, तुसां परमेश्वरे पर भरोसा रखा कने मिंजो पर भी भरोसा रखा। मेरे पिता परमेश्वर दे घरे रेहणे दियां मतियां जगा न, अगर नी हुंदियां, तां मैं तुसां ने बोली दिन्दा क्योंकि मैं तुहाड़े ताई जगा तैयार करणा जांदा है। मेरे जाणे कने तैयारी करणे बाद, तां मैं फिरी आई करी तुहांजो अपणे सोगी लेई जांगा, ताकि जिथू मैं रें ओथु ही तुसां भी रेना।”




मैं यूहन्ना, तुहाडा साथी मसीह भाई, मैं भी तुहाडे सांई दुख
सेहन किता। मैं परमेश्वरे दे राज्य दा इक नागरिक है जियां की
तुसां न, कने मिंजो भी अपणियां परेशानिया जो


तियां ही सबर सोगी सेहन करणा
चाईदा जियां तुसां करदे ना।




मैं परमेश्वरे दे बचन दा प्रचार करणे कने यीशु दे बारे च दसणे
दिया बजा ला पतमुस दे टापूऐ पर केदी बणाई करी भेजी
दितया था।




तालू ही झट परमेश्वरे दी आत्मा मिंजो पर आई; "कने मैं स्वर्गे च इक सिंहासन दिखया कने उस सिंहासने पर कुसी जो बैठया दिखया।"




फिरी मैं स्वर्गे च, कने धरतिया पर, कने धरतिया दे थले, कने
समुन्द्रे दियां बणाईयां सारियां चीजा जो, कने सै सब केसी जो
जड़ा उना चे है, उना जो ऐ बोलदे सुणया,
"की ओआ असां उदी स्तुति करन जड़ा
सिंहासने पर बैठया है। ओआ असां
हमेशा ताई छेलुये दी महिमा करन
कने उसयो आदर देन क्योंकि सै
सारयां ला जादा
शक्तिशाली है।"




फिरी मैं पबित्र नोए शेहर यरूशलेमे जो भी दिखया, जड़ा स्वर्गे ला परमेश्वरे दिया तरफा ला थले ओआ दा है। उस शेहरे जो नोईया लाड़िया सांई तैयार कितया था, जिसा जो कपड़े पहनाई करी कने श्रृंगार कितया है जड़ी लाड़े सोगी बियाह करणे तांई तैयार है। फिरी मैं इक अब्राज सुणी जड़ी परमेश्वरे दे सिंहासने ला जोरे ला बोली, "दिख, हुण परमेश्वरे लोकां बिच अपणा घर बणाणा।"




उनी उना सोगी रैणा, कने सै उदे लोक होणे, उनी अपु उना जो अपणे
लोकां दे रुपे च अपनाणा कने उनी उना सोगी रेंणा कने उना भी
उसयो परमेश्वरे दे रुपे च अपनाई लेंणा।



तालू स्वर्गदूते मिंजो इक नदी दस्सी जिदे च जिन्दगी दा पांणी था।
पांणी शीशे सांई चमका दा था। ऐ नदी परमेश्वर कने छेलुये दे
सिहांसने दे थले ला बेह दी थी।



उस शेहरे च ना सूरजे दी कने ना चन्द्रमे दी जरूरत है, क्योंकि सै शेहर परमेश्वरे कने छेलुये दिया रोशनिया ला रोशन है।



पर जड़े कुछ भी गंदा था
या सै लोक जड़े बुराई करदे
न या झूठ बोलदे न, उना
जो पक्का ही उस शेहरे च
अंदर ओण्णे दी इजाजत नी
है। ओथु सिर्फ सेई लोक
अंदर जाई सकदे न जिना दे
ना छेलुये दिया जिन्दगिया
दिया कताबा च लिखयो
थे।




परमेश्वरे उना दियां हखी ला सारे आंसू
पूँजी देंगे; कने इदे बाद कुसी भी माणुऐ
जो दुख नी सेहणा पोंणा, रोणा नी
पोंणा, दर्द महसूस नी होणा, ना ही कूदी
मौत होंगी क्योंकि पूराणे संसारे दियां
सारियां चीजां गायब होई गियां ना।




उस शेहरे च कुछ भी ऐसा नी है जड़ा परमेश्वरे दे श्राप दे अधीन है।
परमेश्वर कने छेलुऐ दा सिंहासन उस शेहरे च होणा, कने परमेश्वरे दे
सेवकां उदी अराधना करणी। उना परमेश्वरे जो आमणे सामणे
दिखणा, कने परमेश्वरे दा नां उना दे मथे पर लिखया होणा।



फिरी मैं मरयो लोकां जो उस सिहासने सामणे खड़ोतयो दिखया
मतलब की उना जो जड़े खास न कने आम लोक न। सै लोक जड़े समुंद्रे
च डूबी करी मरी गियो थे कने कबरां दे सारे मरयो लोक, कने सै सारे
लोक जड़े मरयां दिया जगा पर थे, सै सारे उस सिहांसने सामणे
खड़ोते। कने कताबां च लिखियां गल्लां दे अनुसार,
जड़ा-जड़ा उना कितया उदे अनुसार उना दा
न्याय होणा।



सै सारे लोक जिना दे ना जिन्दगिया दिया कताबा च नी लिखयो थे,
उना जो अग्गी दिया झिला च फेंकी दिता। इदे बाद मौत नी है, हुण
मरयां दी कोई जगा नी है क्योंकि सै सारे लोक जिना दे ना
जिन्दगिया दिया कताबा च नी लिखयो थे उना जो अग्गी दिया
झिला च फेंकी दिता, इसा जो ही दुज्जी मौत बोलदे
न, जड़ा की अग्गी दिया झिला
च सजा है।



कने परमेश्वरे दी आत्मा कने छेलुये दी लाड़ी योशुये ला बोलदे न,
"तिजो पक्का ओंणा चाईदा।" हर इक जड़ा ऐ सुणदा है, उसयो भी ऐ
बोलणा चाईदा, "आ!" कने जड़ा कोई भी प्यासा है, सै ओऐ कने उस
पांणिए जो पिया जड़ा जिन्दगी दिन्दा है, जड़ा की उना सारयां जो
मुफ्त मिलदा है जड़े उसयो पिंणा चांदे न।



"क्योंकि परमेश्वरे संसारे दे लोकां ने ऐसा प्यार
किता की उनी अपणा इकलोता पुत्र देई ता,
ताकि जड़ा कोई उस पर भरोसा करे, उदा नाश
ना होऐ, पर उसयो हमेशा दी जिन्दगी मिल्ले।"



रोमियो 3:23 इस ताई की सारयां पाप कितया है कने परमेश्वरे दी उस
महिमा ला दूर न जड़ी परमेश्वर दिंदा है,

रोमियो 6:23 क्योंकि पाप दा नतीजा मौत है, पर सै बरदान जड़ा
परमेश्वर सांझो दिन्दा है, सै हमेशा दी जिन्दगी है जड़ी साड़े प्रभु यीशु
मसीह च है।

इब्रानिया 9:27 क्योंकि ऐ पक्का है की असां सारे लोकां इक बरी मरणा,
कने उदे बाद साड़ा न्याय होणा।

इफिसियों 2:8,9 क्योंकि जालू तुसां भरोसा किता तां परमेश्वरे अपणे
अनुग्रह ने तुहांजो बचाई लिया है, कने तुसां अपणे आप जो नी बचाया
पर ऐ परमेश्वरे दा दान है; कने ना ही तुहाड़े किते भले कम्मा दिया बजा
ने है कने इस ताई तुहाड़े बाल घमंड करणे दी कोई बजा नी है।



रोमियो 10:9,10 इस ताई अगर तू अपणे मुऐ ला यीशु मसीह जो प्रभु मन्नी लेदां है कने अपणे मने ने भरोसा करे, की परमेश्वरे उसयो मरयां चे जिन्दा कितया है, तां पक्का परमेश्वरे तिजो बचाणा। जालू असां अपणे मने ला भरोसा करदे न तां असां परमेश्वरे असां परमेश्वर दी नजरा धर्मी बणदे न, कने जड़ा भरोसा असां अपणे मने च कितया उसयो मुऐ ला बोलदे न, तां असां बचाये जाणे ना।

यूहन्ना 3:16,17 "क्योंकि परमेश्वरे संसारे दे लोकां ने ऐसा प्यार किता की उनी अपणा इकलोता पुत्र देई ता, ताकि जड़ा कोई उस पर भरोसा करे, उदा नाश ना होऐ, पर उसयो हमेशा दी जिन्दगी मिल्ले। क्योंकि परमेश्वरे अपणे पुत्रे जो संसारे दे लोकां पर सजा देंगे ताई नी भेजया है, पर इस ताई भेजया की उदे जरिये संसारे दे लोकां दा उद्धार होऐ।



1 यूहन्ना 5:11-13 कने सै गबाई ऐ है, की परमेश्वरे सांझो हमेशा दी जिन्दगी दितियो है कने सांझो ऐ हमेशा दी जिन्दगी परमेश्वरे दे पुत्रे ला मिल्ली है। जड़ा पिता परमेश्वरे दे पुत्र यीशु मसीह जो अपनांदा है, उदे बाल हमेशा दी जिन्दगी है; कने जड़ा परमेश्वरे दे पुत्रे जो नी अपनांदा है, उदे बाल हमेशा दी जिन्दगी भी नी है। मैं तुहांजो ऐ सब इस ताई लिखया है की तुसां, जड़े परमेश्वरे दे पुत्रे पर भरोसा करदे न, की तुहांजो पता लगगे की हमेशा दी जिन्दगी तुहाड़ी है।



यूहन्ना 14; 2 कुरिन्थियों 5; प्रकाशितवाक्य 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Bhattiyali NT (bht) (भटियाली नोआ नियम), 2020 by The Love Fellowship is licensed under a Creative Commons Attribution-ShareAlike 4.0 International License.

<https://www.bible.com/bible/3245/MAT.1.BHTNT>

©2026 Bible for Children, Inc.

www.M1914.org

www.bibleforchildren.org

